

Федорова Анастасия Револиевна,
Воспитатель Высшей школы музыки
Республики Саха (Якутия) институт им.
В.А.Босикова
“Кэрэ эйгэтигэр”

“Кэрэ эйгэтигэр”

Муусука үрдүкү оскуолата бастакы бэрэсидьиэн М.Е.Николаев көбүлээһининэн, 1993 сыллаахха тэриллибитин билэбит. Манна оҕо үөрэнэригэр, ололоругар, сынньанарыгар туох баар усулуобуйа барыта тэриллибит. Идэтийбит муусукааны бэлэмнииргэ бары таһымнар - уопсай үөрэхтээһин, начаалынай, сүрүн уонна уопсай анал орто уонна үрдүк үөрэх баар.

Мин бу оскуолаҕа 2021сылтан үлэлиибин. Бу иннинэ учууталынан, үөрэх салаатын методигынан, кэлин госсулууспа кэккэтигэр үлэлии сылдьан идэбин уларытарга быһаарыммытым.

Бу сыл күһүнүгэр коллектив иитэр-үөрэтэр үлэтигэр кыттыһан оҕолору кытта үлэбит сағаламмыта. Ол курдук, уопсай анал үөрэхтээһин устудьуоннарыгар ананан 18, 31, 3 коттеджтарга үлэлии сылдьабын. Үлэбитин уопсай былаанга кыттыһан ыытабыт. Оҕолор бары кэрэ эйгэҕэ сылдьар буолан, ыытыллар тэрээһиннэргэ айымньылаахтык кыттан иһэллэр. Биир оннук тэрээһиммитинэн олунньу 13 күнүгэр, сахалартан бастакы тыл үөрэхтээҕэ С.А.Новгородов төрөөбүт күнүгэр, оҕолорго улуу саха суруйааччылары төрөөбүт тыл туһунан этиилэрин, хоһооннорун аахтарыы буолбута. Бу күнү 1996 сыллаахха республикабыт бастакы бэрэсидьиэнэ М.Е.Николаев анал ыйаагынан төрөөбүт тыл, сурук-бичик күнүнэн биллэрбитэ. Онон оҕолорго быһааран баран, биир түүн сценарий суруйдум. Сарсыныгар хоһооннорун түнгэтэн, бэлэмнэнэргэ бириэмэ биэрэн, видеомонтаж онордубут. Сурук-бичик күнүгэр оскуолаҕа үөрүүлээх тэрээһиннэ оҕолор көхтөөхтүк кыттыбыттара. Онтон айар-тутар идэлээх оҕолорго кыаллар эбит диэн санааттан, Ийэ дойдуну көмүскээччилэр күннэригэр анаан эмиэ сценарий суруйан эбэрдэ ыппыппыт. Бу тэрээһиннэр патриотическай иитии биир хайысхата буолаллар. Төрөөбүт дойдуга тапталы инэри, бэриниилээх буолуу - билинни кэм ирдэбилэ. Ити курдук, оҕолор иллэн кэмнэрин туһалаахтык атааралларыгар араас хайысхалаах үлэни ыытабыт. Хас биирдии оҕо уйулҕатын өйдөөн, талаанын өрө тутан, идэтин толору баһылаан, олоххо эрэллээхтик үктэнэригэр кыһаллабыт.